

湘城訪古錄卷四

善化陳運溶芸畦纂

城邑類

臨湘故城

乾隆府廳州縣圖志云在府城南胡氏通鑑注云臨湘漢舊縣唐爲潭州長沙縣隋書地理志云長沙舊曰臨湘前漢書地理志云臨湘莽曰撫睦水經注云湘水又右逕臨湘縣故城西縣治湘水濱臨川側故卽名焉王莽改號撫睦故楚南境之地也秦滅楚立長沙郡卽青陽之地也秦始皇二十六年令曰荆王

湘城訪古錄卷四

城邑

一

獻青陽以西漢書鄒陽傳曰越水長沙還舟青陽注張晏曰青陽地名也蘇林曰青陽長沙縣也漢高祖五年以封吳芮爲長沙王是城卽芮築也漢景帝二年封唐姬子發爲王都此一統志云漢時臨湘縣城爲長沙郡治者在今城之南而今之長沙縣治卽水經注所謂臨湘新治南北朝宋所徙本在城外隋唐時包入城中省志云案水經注湘水又逕船官西北對長沙郡郡在水東州城南舊治在城中後乃移此據此則湘州當治臨湘新治爲今府城長沙縣所轄地郡治卽今府城善化縣所轄地也郡治建城之始無攷以隋廢湘州推之當建於廢州之時

也湘潭縣志云水經注曰湘水逕船官西北對長沙郡郡在水東此卽今省治地舊爲郡治中無倚郭縣者也又曰又逕臨湘縣故城西城之西北有故市北對臨湘縣之新治則是今省治爲郡治不在臨湘之明證所謂湘水左逕麓山東上有故城更在此故城之上彼故城無名蓋吳湘西城也此故城又在其下則臨湘湘西二縣城近故宋齊以後移治又稍下也水經曰漣水東北過湘南縣南又東北至臨湘縣西南東入於湘是又臨湘治境上至漣口之明證水經三國時作據漢舊圖漢臨湘縣自麓山上至漣口下至澗口兼統湘東西也後立湘南則上至

湘城訪古錄卷四

城邑

二

耒口下至漣口吳分湘西則上至漣口下至麓山湘南湘西皆不治湘水東岸吳湘西城卽對長沙郡城故吳移縣而晉遂移郡二郡夾湘分鎮湘南與酃夾耒分治兵爭時重水口也

案長沙府志云玩越水長沙還舟青陽之文長沙青陽明是兩地似難強而爲一卽蘇林注亦必傳襲之誤蓋長沙名縣自隋始蘇林之時尙未改臨湘之目也水經注之說皆無稽今不取

湘西故城

影宋本寰宇記云廢湘西縣城在州西湘潭縣志云水經注曰

湘水左逕麓山東上有故城故城無名蓋吳湘西城也又云湘西縣初治麓山兵爭據險故臨湘湘西治城相距不遠何承天徙衡陽郡治湘西則先與湘東對治而長沙郡爲湘州治又重於湘東故移而之下以輔州若今武昌漢陽二府對治也齊世湘南縣廢併入湘西湘鄉新康衡山諸縣至是而湘西又徙治於晚州所謂今縣南百六十里者

故尉城

乾隆府廳州縣圖志云在長沙縣西七十里元和郡縣志云長沙西北七十里故尉城孫權使程普爲西部郡尉以防關羽因

湘城訪古錄卷四

城邑

三

立此城初學記引湘中記云楂渚對岸古城孫權遣程普所立案湘州記云程普關羽分界於銅官山長沙縣志云距銅官山數里有古城坡坡內城壕宛然居民往往掘得殘缺軍器據此則尉城之建在此無疑且距長沙恰符七十里之數又案古城旣在銅官山則楂渚疑卽銅官渚也

三山石下城

影宋本寰宇記云在長沙縣西北十里昔吳主孫權以程普爲長沙都尉以防關羽因此爲名水經注云湘水北逕三石山東山枕側湘川北卽三石水口也湘浦矣水北有三石戍戍城爲

二水之會也

按此城疑卽元和志所謂故尉城也

南津城

方輿紀要云南津城在府城西南水經注云湘水又北逕南津城西西對橘洲或作吉字爲南津洲尾水西有橘洲子戍故郭尙存

北津城

水經注云臨湘縣治西北有北津城省志云南津城址無攷長沙縣志以土城在長沙北三叉磯上周八九里高或五六丈或

湘城訪古錄卷四

城邑

四

三四丈壁立如城疑卽古北津城

龍喜故城

新五代史職方攷云潭州龍喜縣漢乾祐三年馬希範置舊五代史漢紀云乾祐二年七月辛亥湖南奏析長沙縣東界爲龍喜縣從之舊省志云舊五代史云云其地應去常豐不遠方輿紀要以常豐卽龍舊故城宋建隆四年所改開寶六年省入長沙或曰縣本置於郭內新省志云府城東四十里鹿子嶺有古城址中有城隍坪城隍廟諸遺蹟又距鹿子嶺二十里爲榔梨市相傳有故城址亦在府城東疑卽漢龍喜宋常豐二縣故城

案新五代史楚世家云馬希範於晉開運四年薨至漢乾祐三年薨已四年矣而職方攷云希範於是年置龍喜縣者誤也龍喜當是希廣所置

常豐故城

一統志云在長沙縣東元豐九域志云乾德三年升常豐場爲縣開寶中省入長沙縣

陶關

元和郡縣志云在長沙縣西南五里晉杜弢據湘州陶侃討之因置此城

湘城訪古錄卷四

城邑

五

龍回關

一統志云在善化縣東四十五里關山兩關相連中僅一路新五代史云馬殷劉建鋒於乾寧元年入湖南次醴陵潭州刺史鄧處訥發邵州兵戍龍回關建鋒等至關降其戍將蔣勛建鋒取勛鎧甲被先鋒兵張其旂幟直趨東門東門守者以爲關兵戍還開門納之

古城壕

圖書集成職方典云在長沙縣東一里今形跡尙存

鄉里

影宋本寰宇記云長沙縣舊二十五鄉今二十鄉元豐九域志

云長沙縣一十二鄉文獻通考云元符元年以長沙縣五鄉湘

潭縣兩鄉爲善化縣乾隆長沙府志云長沙七鄉曰臨湘今臨湘都

明道今明都大賢今大賢都萬壽今萬壽都錦繡今錦繡都霧陽今尊陽都

新陽今新康都坊廂三曰旌節涇化清泰善化四鄉曰永康今

都三都忠臣今四都九都長樂今一都七都興化今六都坊廂五曰上

下建安文德上洲

案鄉里之名甚古史記云老子楚苦縣厲鄉曲仁里人曰知

錄云宋時登科錄必書某縣某鄉某里人蕭山縣志云改鄉

湘城訪古錄卷四

城邑

六

爲都改里爲圖自元始嘉定縣志云圖節里也不曰里而曰

圖者以每里冊籍首列一圖故名曰圖湘陰圖志云鄉里之

名相承至今用以承事鬼神臚具里居士大夫罕能言之攷

長沙善化鄉名僅見府志而里名無攷詢之鄉人猶能舉其

名但四鄉遼濶遍詢維艱是在居上者易於集事令各鄉約

將其平日承用鄉名里名錄呈自無遺誤因攷一鄉所轄里

名若干並核其古爲某鄉某里今爲某都某團條分縷析可

爲考古者之一助書此以告後之修志乘者並略舉一二具

列於左

長樂鄉 集賢里 長松里 旌表里 欽仁里 明政里

新陽鄉 梅溪里

興化鄉 潑潭里 景霧里

忠臣鄉 金塘里

湘城訪古錄卷四

城邑

七